


लिकूरानेड आरू चापा लिकूरानेड: विल्लेम डे विंक

# ईसू मसीयाल

मोंजीपूरीन बादलाकतानेड आय




MILLEWIDE WINK

## मुकीयाट पोहूल....

**आसतीर:** मापोरबू तन्न लोगूग चियरान एनी मेन्डान जाम्मा रेञ्चाट इसाबूल आय।




**ईसटेर:** ईसू जियोम पाड्डी चुलतानोन मानूरान तियार। एऊदीकूल आयची चिरीक मापोरबू आड्जूरान एन्डान पसक तियारीन मानूरीर। (पन्ना 38-54)



**ईसू:** मापोरबून चिन्डीन पिदीर ईसू आय। ईसू एनोड बाचाकतानेड एनी चोमजू एर्रा।

**कुरूस पारा:** रोमीकूल एडजालेरूग डेन्ड चियू ओरीन उटीकतान आड्डोम पारा आय। ईसू तानी आना चाय्यरानूग आद ओनीन पात्तीयाकतान लोगीन चिना एञ्जो। (पन्ना 25, 50)



**चेयतान:** बोम्मग चुडू ओडा कियाल तो मापोरबून विरूदी आय। आरू आद बूत डुमेन मुकीयाट आय।

**चेला:** ईसून पोटतेल चेन्डानेर(पन्ना 18)




**जियोम पाड्डी चुलतानो:** ईसू जियोम पाड्डी चाय्यरान कान तीग चुलतेड। ओकेच आम जाम्मा ई जियोम पाड्डी चुलताम। तेबे मापोरबू आमम जाम्मेनी नियाव चिडाकताड।

**जुग जुग तो जियोम:** मापोरबू उवाट चाजूरान आकाट ईसून चेंग पियरान जियोम। चाय्यकूडीन जीती किली एत्तोड नांग पियरान जियोमीन पोक्कूमो(पन्ना 23, 29-30)



**नाती केचूर चिला जियोम:** मापोरबून पात्तीयाकतान लोगीन कान डेरा पातरान मापोरबून जियोम आय। (पन्ना 58)



**पाप देरोम:** मापोरबून उवाटीन विरूद ती चाजूरान जाम्मा कियाल तो कामूल एनी चोमजू एर्रा। इदीन चाजोड आम मापोरबूग मेन्न ती वेरानोन चाजू ओडाम। (पन्ना 4)

**पोरबू बोजी:** ईसून पात्तीयाकतानेर, ईसू कुरूस पारे ती चाय्यी किली तामीन बाचाकतानोन चुरता चाजू रोटील तिन्नी आंगूर रेस्सीन उन्डानो पोरबू बोजी आय।

**बाइबल:** मापोरबून कागेत आय। इदीन देरोम सासतेर बेले एन्डार। तान गेडरान मोंजीपूर तो लोगूग मापोरबून उवाट नातोत आय आरू ओड लोगीन एटे नेंजराकमेड एनी इना लिका मेन्डा।

**बिन्ती जोडरानो:** मापोरबूनोड ऊबूरानो आरू ओड पोकुरानोन वेन्दानो।

**बिसवात चाजूरानो:** ईसू तान पोकुरानोन चाजूराड एनी चेत्त पात्तीयाकतानो। (पन्ना 58)

**मसीयाल:** इद इबरानी पाटते पोद; ई पोदीन नेय्य मेरपीक किली आचूरान कोस एनी चोमजू एर्रा। युनानी पाटे ती इदीन किरीसताल एन्डार। (पन्ना 52, 55)

**माप चाजूरानो:** मापोरबू आम चाजूरान पाप देरोमूलीन माप चाजूराड। आम पाप चाजोम नाम आरू आदीन चेत्तूग पाचताकूमोम एरोड ओड आमीन माप चाजूराड। ईसू कुरूस पारे ती आमम पाप देरोमीन चेत्तूग चाय्यरानूग आमम पाप देरोमूल मापी एर्राव। (पन्ना 58)

**मापोरबू आंगूरानो:** लोग मापोरबून पात्तीयाकपोड, मापोरबू ओर जियोम ती पात्र चेलाक किली आंगूराराड।

**मापोरबून चिन्ड:** ईसू आय मापोरबून चिन्ड। ओड टेट ले मापोरबू आय मेन्डीड आरू ई मोंजीपूर ती मांजा एरी मापोरबून चिन्ड आकाट वेञ्जेड।

**मारी वेरानो:** ईसू मारी ई मोंजीपूर ती वेरेक मापोरबू सरग आरू मोंजीपूरीन पुन्नोत चाजूराड। (पन्ना 57)

**सरग दूत:** मापोरबूब कान तीग काबेर एन्देरान वेरबूल तो जियोम(पन्ना 5)



## ईसू मसीयाल एड आय?


ईसू इसराएल देचे ती 2000 पोकाल ले मुन्नी मेन्डीड। आम ओनीन ईसू मसीयाल चिलाड ईसू किरीसताल एन्डाम। आटे एनोड ओड कोस आय एनी चोमजूरानो आय। ओड आमन कोस एराडा, ओड मापोरबून चिन्ड बेले आय आरू चरग तीग वेरान मांजा बेले आय। एनोड ओड मापोरबू आय आरू मांजा बेले आय। ईसून काटावीन आम बाइबल ती पोडू एर्। ओन काटाव जाम्मेग ले मुकीयाट काटाव आय।

## ईसून वादेक

आम्म जुग, ईसू जेनोम एरान तीग मुरीयाकता। ईसून वादेक ती लोग आरे बेले चेनूंग, ताकी चेन्डीर चिलाड गेदेय, ऊँट चिलाड एके गुरोँल चोत्ती चेन्डीर। आ वादेक मोंजीपूर तो कुबे देचेलीन रोमीकूल पात्र चेलाकतीर। आत्तोड कुबे लोग लिकू पोडू पूना मेन्डीर। एरोड एऊदीकूल लिकू पोडू रेञ्चा पुनदीर। ओरीन इसराएली लोग बेले एन्डार। मापोरबू ओरूग ताम्म पाटेलीन तोल तो कागेत ती लिकी चियी मेन्डानूग आरू ओर आदीन पोडू पोडी मेन्डानूग, ओरीन कागेत तो लोग एनी पोकरीर।

मापोरबू बाइबल चिलाड देरोम सासतेर तीग लोगोड ऊबूराड। आम चुडरान जाम्मा लोगीन आरू जाम्मा इसाबूलीन गेडूरानेड ओडी आय। ओड आपला कागेत ती तान ई मोंजीपुर ती तान गेडूरान लोगीनोड मिलेन ती मेनूंग मेन्न चाजूमेड एनी चेर चेरा लिकेड नाड।





## ईसून वादेक तो इसराएल देचा

मुकीयाट गेडा: एरूसेलेम

पेरगेनूल: गलील, समारीया, एऊदीया

28,000 कि.मी ओसार

किन्डीक कोम डाव चियरान पाड

सरकार: 63 बि.सी तीग रोमी लोग पात्र चेलाक किली  
इसराएल देचेन आंगरूरीर

रोमी राजपाल पोन्तीयूस पिलातूस इसराएल देचेन पात्र  
चेलाकतीड। ओनीन रोमी देचेत कोस तिबेरीयूस  
एन्डानेड आंगरूरीड।

देरोम: एऊदी देरोम। एरूसेलेम ती एऊदी लोगीन  
गुडी मेन्डू। आना एऊदी पेलाचकूल देरोम इसाब  
तो जाम्मा सेवेन चाजूरीर। परीसीकूल देरोम इसाब  
तो नियोमूलीन देरोम सासतेर तीग लोगीन  
मेरचीकतीर।


पाटेल: एऊदी लोगीन पाटा इबरानी; युनानी लोगीन  
युनानी पाटेन गुलाय ऊबूरीर। रोमी लोग लतीन  
पाटेन ऊबूरीर।



ई जाम्मा लोग नांग आय पेरेड कुड्डी उलजेर नार?



तायार एरूर!  
मापोरबू आंगरूरानो  
लेग्गे एदोतो ना।




पुत्र इसाब ती पियूर।



ईम मापोरबून रिच तीग बाचू ओड़ार।  
माडी मेरीन कातू तायार मेन्डान  
आकाट मापोरबू लोगीन नियाव  
चिड़ाकतान इसाब लेग्गेनी मेन्डा।




रेच्चाट पालकूल पाता मेरकूलीन कात्ती  
किली किच ती कुमरान आकाट रेच्चाट  
काम चाजाएर डेन्ड बेटरार।




ओनीन वेनूर! आम  
रेच्चालेर चिल्लाम आदूग?

एडी मापोरबू नियाव चिड़ाकतान इसाबीन तीग  
बाचू ओड़ार। एरोड आन्न ले पिटतेल ओकूर वेराड  
ओड इम जियोमीन बादलाक नाम्बीकताड। ओड  
इमीन पापदेरोम तीग बाचाकताड।



इम जियोम बादलूरानो आय  
एनी इमूंग मेन्न मेन्डा काय  
एटे? आटनी मेन्न मेन्डा एरोड  
ई नीर बीतराम वेरी किली  
बापतीसमा पात्तूर।





एबे ईम, इम पापदेरोमूल तीग  
ओगराक एरी किली पुत्र  
जियोमीन मुरियाक एर्ग।

आ पेरेड ती बापतीसमा चियरानेडीन जाम्मा लोग एऊन्ना एन्डीर...

आनातले मारी.....

ई पाटा आन्न बीतेर तो एरा।  
आन्न ले मुकीयाल ओकूर  
वेरकेड एनी, आन ओनूग  
आमानी पाव तायार  
चाजूरानेड आय। मापोरबूग  
नातो मेन्न ती वेर्रा एनी ओड  
आमूंग मेरचीकताड। ओड  
मापोरबून नाती केचूर चिला  
जियोमीन तीग इमूंग  
बापतीसमा चियराड। आदूग  
इम जियोम बादलूरा।




आनूंग..ओ  
आनूंगी गो इन  
केय तीग  
बापतीसमा  
एकू लागूरा।



उद्दापडे, पोडी बादोर  
तीग ओक पोल्हा वेनूंग  
एञ्जो....


ईन आन्न लाडराल  
चिन्ड आय। आन  
इनीन चोग चाजूमेन।  
ईन आनूंग मेन्न ती  
वेर्रांनोत आय।



एरा.. आन  
पोकरानोन चाजू।  
तेबे आमूंग  
मापोरबूग मेन्न ती  
वेर्रांनोन चाजू एर्रा।



ए आमम बुवा  
मापोरबू, ईन जाम्मेन  
आंगरूरानो वेरको  
आरू इन उवाट पूरा  
एरको।



बापतीसमा चियरान एऊना, मसीयाल वेरकेड एनी इसराएली लोगीन तायार चाजूरीड। आत्तोड, ई मोंजीपूर तो कुबे देचेल ती रोमी लोग पात्र चलाकतीर। इसराएल देचा एके, रोमी लोग आंगरूरान देचेल तीग ओक पिटीतो गोन्दा मेन्डू।



मसीयाल एत्तोड वेर्राड एनी, एऊदी लोग पाव चुड चुडी मेन्डीर। ओर पुराना नियोम तो कागेतूल ती, मसीयाल वेर्राड आरू इसराएली लोगीन बेडकूल एरीकताड एनी मापोरबून काबेरीन पोक चियरान गुरूकूल मुन्नी की पोक्की मेन्डीर।

यरदेन पेरेड कुड्डी, बापतीसमा चियरान एऊना, ईसू तान्नेल वेर्राडोच चुडी किली जेतेर ती चोत्तीक एर्रांन मेन्डा पापीन आकाटतेड एनी लोगीन ओन बीतेर ती पोक्केड...



इद चुडूर! ऊडी आय मापोरबून मेन्डा पापीन आकाटतेड आरू ऊडी आय पापदेरोमीन गुचाकतानेड।




आनातले मारी, मापोरबून जियोम ईसून चिड़ा बाट ती उञ्जेड...

ईसू चालीस दिनेल आरें, पाकटा पोकाली, चित्ता विलोमी चिड़ा बाट ती तान ओकूरी मेन्डीड। ओड नातीनी तिनाका उनाका मुरानी मेन्नी बिन्ती जोडूरीड आरू आपलेन आपला मापोरबून कामीन चाजू तायार चाजूरीड...



ईसू एके, मापोरबून उवाटीन चाजू मेन्त्र चाजूरीड। मापोरबू ई मोंजीपूर तो लोगीन बीमारूल तीग, कुचेर एर्रांन तीग आरू मोरनीन तीग बाचाक मेन्त्र चाजूराड....

आत्तोड, कियाल तो इसाबूलीन आंगरूरान, बूत डुमेलीन मुकीयाट चेतान एन्डानो वेरी किली ओनीन पोरकोतो। आद मापोरबून विरूदी मेन्नी किली मोंजीपूर तो लोगूग बिमारूलीन एन्देर्रां आरू ओकूर ओकूरीन कुचेर एरीकता आरू मोरनीन एन्देर्रां...



ओ आम्म बुवा! आन इन उवाटीन चाजू मेन्त्र चाजूमेन।

एरोड चेतान एके, ईसून मेन्नीन बुरलाक किली, ओड मापोरबून उवाटीन चाजूरान कान तीग ओनीन तेबाक कानतू...

ईन मापोरबून चिन्ड आय एरोड, ई केलकूलीन रोटील चाजू।

एरा! मापोरबून कागेत ती, “मांजा आमन रोटीलीन तिन्दान ती एरा, एरोड मापोरबून चोन्ड तीग पेतान ओक-ओक पोद्दीन तीग जियोम मेन्डाड” एनी लिका मेन्डा।

ईन मापोरबून चिन्ड आय एरोड, ई गुड्डीन चिक तीग किडी तिरी किली ओन चिन्ड आय एनी चेत टोटीक। मापोरबून सरग दूतकूल इनीन चाकलूरार एनी मापोरबून कागेत ती लीका मेनाया आदूग?

इद चुड! एबे ईन मुड्डील उरकी किली आनीन मोडकोड, ई मोजीपूर तो जाम्मा लावीन आरू पात्रीन आन इनूंग चियरान।


आनातले चेतान ईसून कान तीग गूचोतो आरू सरग दूतकूल वेरी किली ओनीन देक रेक चाजूरीर।

एरा, “ईन आपला मापोरबून पोरकूमेन” एनी बेले लिका मेन्डा




ए चेतान, आन्न लेगाट तीग कोमाड गूच। “ईन आपला मापोरबू ओकूरीनी मोडकू आरू सेवा चाजू” एनी बेले लिका मेन्डा।

ईसू मेल्ली किली आपला गलील पेरगेन ती चेन्डेड। मापोरबून जियोम ओनीन चेलाकतीड। ओड पाव ताकेक, जोप तो लोग ओन पोटतेल-पोटतेल चेन्डेर। ओर “ऊड मसीयाल आय काय एटे?” एनी पुनूंग कानतीर।

गलील पेरगेन ती काना पोलूब  
ती ओक चुरूचा एब्जो....



ईसून, ओन ईय्येन आरू ओन ओदेर  
चेंगेतेरीन आना निवती मेन्डीर।







एरोड चुरूचा एन्दी  
मेनेक-मेनेक....

ओ..ओ..जाला  
पाट्टो.... आंगूर  
रेस पोलोतो!

आमान ईसू  
पोकरानोन  
चाजूर।



ई बेडकूल-बेडकूल केलकूल तो  
चोरल ती नीर कोप्पीक किली  
बान्डारी माजेन चाक चुड़ पोक्कर।



नीर?... एरोड इद गो आंगूर रेस  
एञ्जो ना। ओ.. ओ इद गो तिरिर्ट  
ले तिरिर्ट आंगूर रेस आय।



चाक चुड़, ईन गो  
चेरा चेरी आर्रि  
रेच्चाट आंगूर  
रेस्सीन इट्टोत नात।




ईटो चुरूचेन एत्तोडी एन्दोमा आरू नीर आंगूर रेस  
बादलूरानोन एत्तोडी वेनोमा। इद गो निरबे रेच्चाट रेस आय।

नासरत तीग  
वेरान ईसू आय  
इदीन चाजेड।

ओड एड  
आय?


कप्पेरनाऊम, गलील सोमून्द रेट ती मेन्डान गेड़ा आय।  
आनातेर मीनूल चुम्मी पोरूरानेर आय। आना ईसू आपला  
मापोरबून पाटेलीन लोगूग पोक चियू मुरीयाकतेड।



आरू आन्नी मेनेक ईसू  
आपला पोईलात चेलालेरीन  
आची किली नीतीकतेड....



पतरस, ईन गिडीया  
नीर ती चेनी किली,  
इन जारीन तीन्डूक।



ए सियान, चित्ता विलोमी  
आम मोसागेत चाजी किली  
बेले नातीनी चुम्मोमा।



एरोड ईन पोकरानूग...  
तीन्डची चुड़राम।



नातो आय?  
आनूंग ओकूत  
चोमजू एराया।






ए याकूब, ए  
एऊना, वेरूर  
आरू चेंग  
चियूर। इना  
तोडे मीनूल  
चिल्लाव।




ए पोरबू आन पापी  
मांजा आय; आनीन  
चाय काड।

नारचूमेन  
पतरस...नारचूमेन।




आन्न पोटतेल  
वेर।



ईन मीनूलीन चुमरान आकाट,  
एब्बेत ले ईन मांजेन आन्न  
चेलालेर एरीकतात।




ईसू आपला चेलालेरीन चेंगे गुलाय गलील पेरगेन ती चुल्ली किली मापोरबू जाम्मेन आंगरूरान इसाब लेगे एदोतो ना एनी मेरचीकतीड। ओन पाटा माया पेम तीग आरू पात्र तीग कोप्पी मेन्डू। ओड नोयरान लोगीन उजराकतीड आरू बुत डुम्मेल चुम्मी मेन्डानेरीन चोडाकतीड।




मापोरबून ईम कानपोड ईम आसतीरतोर आय। ईम ओन पुत्र देचे ती पियरार।


मापोरबून रेच्चाट इसाबूलीन ईम कानपोड ईम आसतीरतोर आय। इमूंग चेडीगेन टोन्डूरा।




ईम मापोरबून चेतूग मुर मुरा एरोड ईम आसतीरतोर आय, ओड इम जियोमीन मान्डाकताड।




ईम आवूर लोगूग रेच्चाटीन चाजोड, ईम आसतीरतोर आय। मापोरबू बेले इम्मोड रेच्चाल मेन्डाड। ईम लोगीन मिलाकपोड ईम आसतीरतोर आय, इमीन मापोरबून पापकूल एन्डार






ईम एटे, लोग इम्मोड चाजेकेर एनी चोमजूमोर, आटनी ईम बेले ओर चेंगे चाजूर।

एड बेले आवूर तो आयालीन कियाल तो नेंजेरोड चुड़ोड, ओड आ आयालीनोड दोस पाट्टेड नाड।



तोली तीग कीसीयाकमोर। सोब ले मुन्नी मापोरबू आंगरूरानोन आरू देरोम तो कामूलीन चाजू कानपूर। आरू जाम्मा बानील इमूंग टोन्डूराव।




आपला विरूदी लोगीन चोग चाजूर आरू ओरूग बिन्ती जोडूर।

बोम्मेल मेनूग दियेन आकाट विलीज चियरा। आदूग इन बोम्मा चुक चुका मेनोड गो, इन मेन ती बेले विलीज आटरा। एरोड इन बोम्मा कियाल तो मेनोड, गुलाय मेन ती बेले पिरीचनाय एर्रा








आन पोकरान आकाट चाजूर। तेबे ईम आपला ओलेकीन गाडार ती काटरानेड आकाटतेड एररर। आन्न पाटेन मानायेड आपला ओलेकीन मान्न ती काटरानेड आकाटतेड आय।



देरोम तो कामूलीन लोग चुड़ेकेर एनी चाजूमोर।

आरोई कामीयाल इरूल सावकारकूलूग सेवा चाजू ओड़ाड। आटनी ईम देन्नीन मेन्न चाजोड मापोरबूग सेवा चाजू ओड़ा।








पोरले चाजेड नाड।


ओ, आन उजरेन नान। ईसूग जुवार लागोको।

चुड़! चुड़! माटलाल ताकू नाम्बीकताड।

ईसू कुबे रेच्चाट कामूलीन चाजेड। ओड गियान आरू पान्न तीग ऊबेड। ओड लोगूग जियोम नोयपीकतेड। एरोडी बेले ओदेर ओनीन विरूदी एञ्जेर। एऊदीकूलीन मुकीयालेर आपलेग मापोरबू मूसाल मेनगेन तीग लिक चियरान नियोमूलीन आलवाल एरी पात्तीयाकतीर। आवीन कान तीग ओक नियोम आय बिसाकतान चिरीकीन मानूरानो। बिसाकतान चिरीक नाती काम चाजू बानाया।



इना ओक कोल्लाल मेन्डाड। इने बिसाकतान चिरीक आय; ओड ओनीन उजराक बान्दा काय एटे?



इन केय्यीन नीकीक।



बापरे बाप! आन उजरेन नान।




आम ईसून मोजीपूरीन तीग गुचाक लागूरा।



उड देचेत लोगीन बुरलाकमेड एनी एरूसेलेम तो मुकीयालेरीन पोक्कू लागूरा।

मुकीयालेर ईसून विरूदी एरानो चान्दारे चेन्डानूग, ईसू  
लोगीन कान तीग गूची किली एलगे चेन्डेड। ओड  
आपला चेलालेरोड ओडा चोत्ती किली पेटेड। एरोड....










आटकूरे वालीने!  
आरू तेबू रे नीरीने!







आकलाट आइजी किली ओर ओडेन ओक  
कुच ती काट काट्टेर। आत्तोड गो कोप्पेल तीग  
नामकूरान आकाट तो ओक पोल्हा वेञ्जो...




ऊर...ऊर...









आन, आनीन चोडतेरान आत्र  
बुवेन उवाटीनी चाजूरान, आत्र  
उवाट तो कामीन चाजाना।




ईसू एत्तोड नांग एलगे चेनी  
किली बिन्ती जोडरीड...




ओकेच चित्ता विलोमी बिन्ती जोडी  
किली, ईसू आपला बारा जान  
चेलालेरीन आची किली नीतीकतेड।  
आरू ओड ओरीन इरूलेच इरूलेच  
पोलूबूल ती चेनूंग चोडची किली,  
ओरूंग नोयकूडूलीन उजराक आरू बुत  
डुमेलीन वालीक पान्न चिग्गेड...



ओर इरूल तोल्लेनकूल आय।  
पतरस आरू आन्दरीयास  
ओर पिदीरूल आय।




ओर इरूल तोल्लेनकूल आय।  
याकूब आरू एऊना ओर  
पिदीरूल आय।




ओर इरूल पिलीपूस  
आरू नतनीयेल आय


ऊर तोमाल आरू मत्ती आय।  
मत्ती मुन्नी रोमी सरकारूग  
पोटी पातरानेड मेन्डीड।




ऊर तद्दी आरू आवूर  
ओक याकूब आय।



ऊर सिमोन कनानी आरू ईसून  
चुमीकतान एऊदा स्कारियोती आय




इमूंग पाड चियरानेल आरे बेल्ले चैनूर। इमूंग पाड  
चियरानेर, आनूंग बेल्ले पाड चियरानेर आकाटतेर  
आय। आनूंग पाड चियरानेर आनीन चोडतानेडीन  
बेल्ले एतान आकाटतेर आय।




इद चुडूर! पाडजूरान कामेय कुबे मेन्डाव, ऐरोड  
बूती चाजूरान लोग एके दिंगोट आकाट मेन्डार।  
आदूगी कामेय तो पोरबून आपला कामेयीन कोय्यु  
बूती लोगीन चोटपेकेड एनी बिन्ती जोडूर।

आ बारा जान चेलालेर पोलूबूल  
तीग उदीम एरी वेरी किली ताम  
चाजूरान पोरले कामूलीन ईसून  
पोक्केर। आनातले ईसू ओरीन  
एलगे चिमनाय तो पाड ती उय्यु  
मेन्न चाजूरीड। एरोड जोप तो लोग  
ओरीन चेंगूग इडा मेन्डीर।



ईसू लोगूग मेरचीकपारे आरू लोगीन उजराकपारे मेन्डीड। आत्तोड कुबे कोम्बेर एञ्जो...




पिलीपूस, ई लोगूग बोजी आरे टोन्डूरा? ईन ओरूग नातोन बेले तिनूंग चियाता नांग?


आम्म लेगे आमान देस दीनेल तो कूली पोयसेल मेन्डाव। आद ई जाम्मा मान्देत लोगूग बोजी पातू पूराया!

इना ओक चेपाल मेन्डाड। ओड चेन्डू रोटील आरू इरडू मीनूल पात्तेड नाड।



जाम्मा लोगीन पोचास पोचास जान गुबरेल गुबरेल उन्डतीकपूर




ईसू मापोरबून जुवार पोक्की किली..



आ रोटीलीन आरू मीनूलीन पुटकीकतेड..



ईसू आ दिंगोटीन आसतीर चियी  
किली आजारूल आजारूल  
लोगीन तितीकतेड..



आम ओनीन कोस  
एरीकतानो आय।





ओड चेतैगी मापोरबू  
चोडतेरान एनी पाटा चियी  
मेन्डान मसीयाल आय।

इद चुड़!  
चेरुंगूरानोन इना  
बारा गोटा गाप्पेल  
ती इट्टेम नाम।



एब्बे लोगूग पाव चियरानो आय। ओडे ती चोत्ती  
किली आकलाट आड़ूर। आन इन्नी मेन्डान।  
कोप्पेकेल चेनी किली बिन्ती जोड़रान गाट।





ओदेर ओदेर ईसून कोस एरीक मेन्न  
चाजूरीड। ओड रोमी लोगीन  
इसराएल देचे तीग पुच्ची किली  
देचेन ओर कान तीग चोड़ाकताड  
एनी चोमजूरीर। ओड लोगूग रेच्चा  
चाजोडी बेले, ओन विरूदीकूल  
चान्दारे चेन्डेर। लोगीन मुकीयालेर  
ऊड नियोम ती बानायोन चाजी  
किली नियोम ती चेलाडा एनी  
चोमजी किली ओनीन  
आनकीकताम एनी गात चुमरीर....



ए सियान ईन एत्तोड  
आय इना एदोत?

आन इमीन रोटील  
तित्तीकतानूग गो ईम  
आनीन कान्दूकमोर?



चामरान बोजीग एरा,  
एरोड एत्तोड नांग बरतूरान  
जुग जुग तो जियोमीन  
चियरान बोजीन कानपूर।



आनी आय चेत जियोमीन चियरान  
रोटीन आकाटतेन। आन्न मेन मोजीपूर  
तो लोगूग चेत जियोमीन चियरा।



ई मांजा तान्न मेनीन आमूंग एटे तीग  
तिनूंग चियू नाम्बीकताड आले?

पोकात पाटा आय।



वेरूर आमोर  
ओनीन चायी  
चेनार।

ओड आमम  
जाम्मेन दोका  
चियूमेड।




ईमूंग बेले आनीन  
चायी किली चेनूंग  
बावूमो काय एटे?


ए पोरबू आम आरे चेन्डाम?  
जुग जुग तो जियोमीन चियरान  
पाटेल इन कानी गो मेन्डाव।



ईसून विरूदी एरनिर चान्दारे  
चेन्डेर। ओदेर ओनीन  
केलकूलोड ताप्पी किली  
आनकीक कानतीर। आनातले  
ईसू गलील तीग पेची किली  
चेन्डेड आरू तान्न चेलालेर चेंगे  
इसराएल देचेन आवूर पाडकूल  
ती बेले मापोरबू लोगीन  
आंगरूरान इसाब तो पाटेलीन  
मेरचीकतेड।



पिटतेल, ओड एरूसेलेम  
चेनूंग पाव आत्तेड।




लोग आनीन एड आय एनमेर?

ओर इनीन मापोरबून  
कान तो काबेर  
एन्देरीन गुरू एनमेर।


पाव ती चेनेक...




ईम जे?



ईम आनीन नान  
एनमोर आले?



ईन मसीयाल आय; जियोम  
मेन्डान मापोरबून चिन्ड आय





एरीनी पोक्कमोर। मसीयाल एरूसेलेम  
ती चेनी किली, आबोड एरी किली  
चाय्यरानो आय। एरोड ओड मुच्चीच  
ती मोट तीग जियोम पाड्डी चुलताड।

एरूसेलेम गेडेन बाटतेल, एडजाट कामूल चाजूरानेरीन कुरूस पारे ती कोट्टी किली आनकीकतार। इद रोमी सरकार कियाल चाजूरानेरूग चिड़ाकतान डेन्ड आय...



एरूग बेले आन्न चेंगेतेर मेनूंग मेन्न मेनोडे, ओड आपला मेन्न के लागेन तो बिचारूलीन चाई किली, आपला कुरूस पारेन काजी किली आन्न पोटतेल वेरकेड।


एड एरको आपला जियोमीन बाचाक मेन्न चाजोड, ओड आदीन चेनीकताड। एरोड एड एरको आपला जियोमीन आन्न चेत्तूग चियरानेड आदीन बाचाकताड।



ओकती मापोरबू गो मेन्डाड एन्डानोन इमूंग पुनूंग लागूरा।



ईम इम मापोरबून कान, इम जाम्मा मेन्नोड आरू जियोमोड चोग ती मेन्डानो आय आरू इम्मोड ईम चोग चाजूरान आकाट आवूर मांजेनोड बेले चोग चाजूरानो ई जाम्मेन ले मुकीयाट पाटा।




इसराएल देचे ती, नियोमीन इसाब ती, कोड़ बेमार तो लोगीन चुत पाडरानेर चोमजूरीर। आदूगी ओर एलगे गेडेन वाल पियरीर। एडी ओरीन टोड्डारा बेले....





कोड़ बेमारतेड कोमाड ती मेनेकी, आवूर लोग लेक ती मेन्नी आर तीग गूचू, “चूत पाट्टेन” एनी कोलार एरी ताम वेरानोन चिना टोटीकतानो आय...

चूत पाट्टेन नान!  
चूत पाट्टेन नान!




ए ईसू, ए पोरबू आमूंग जियोम नोयपीक।






चेनूर; पेलाचकूलिन  
कान चेनी किली  
आपलेन टोटीकपूर।




पेलाचकूल इमीन चुडी किली  
ईम उजरोर एनी पोक्केकेर।


तेबे आम उजरूराम काय एटे?



? !




इद चुड़! आन  
उजरेन नान!




ओ आम जाम्माई  
उजरोम नाम।

वेरूर  
आमोर  
चेनार।



आलेलूया! मापोरबू  
रेच्चाल आय; ओनूग  
जुवार एरको।।



आन एटे, देस जान कोड़ बेमारतेरीन  
उजराकपेना आदूग? मारी आवूर नोव  
जान आट चेन्डेर नार?



चुलूक! इन बिसवातीन चेतूग,  
ईन आमन उजराता, मापोरबू  
इनीन बाचाकतेड बेले।

एरूसेलेम ती मेन्डान देरोम  
मुकीयालेर, ईसून ओड  
पोकरान पाटेन तीग चुम्मीक  
किली ओनीन बोदी चियू  
ओदेर कामीयालेरीन  
चोटतेर...

ईसू कियाल तो काम चाजूरानेर, दोस  
पाडरानेर आरू रोमी सरकारूग पोटी  
पातरानेर चेंगे बीड़ी किली मेन्डाड...

मसीयाल चेत पावीन  
बूलकी मेन्डानेरीन  
बाचाक गो वेञ्जेड नाड।




ईसू लोगीन नोयकूडूलीन उजराक  
किली, बिसाकतान चिरीक एडी  
चाजू बाना कामीन चाजूमेड...

ईन उजरू  
तूत।



ओड पापकूलीन  
पेम चाजूरीड...

पापकूलीन आन्न लेगे वेरू इडूर।  
मापोरबू आंगरूरान इसाब ओर  
आकाट तो लोगीनो आय।




ईसून बेतनीया पोलूब ती निवती मेन्डीर। आना लाजर एन्डानेड बेमार एरी मेन्डीड। ओन चालाचील मरीयम आरू मारता ईसून चेगा लोग मेन्डूव। ईसू पोलूब ती वेरी किली लाजर चाय्यी किली नेलचीच एञ्जो आरू ओनीन माटी चिञ्जेर एनी पाता बेटेड।



ए पोरबू, ईन इना मेन्डूत एरोड, आम्म चालीड चाय्येडामीन।



ए मारता, इन चालीड मारी जियोम पाडराड।



ओ पोरबू, आन पुट्टेन एके। चेरा चेरी चिरीक जियोम पाडराडी।



आनी आय लोगीन चाय्यरान कान तीग जियोम पाटतीकतानेन आरू ओरूग जियोम चियरानेन। ए मारता, ईन आदीन बिसवात चाजूमोत काय एटे?









ओ पोरबू, मोंजीपूर ती वेरिनेड मेट्टेड जे? आ मापोरबून चिन्ड, मसीयाल ईनी आय एनी बिसवात चाजूमेन।




ईम ओनीन अरे इट्टोर नार?

ए पोरबू वेर आरू चुड।





एरूसेलेम तो देरोम मुकीयालेर ईसून  
आरू ओन चेलालेरीन विरूद एरी  
टेडी नेंजेर चुड चुडी मेन्डीर।



आ मंजा कुबे पोरलेत  
कामूल चाजूमेड।

आम ओनीन आटनी चाजारे चेनूंग इडोड,  
रोमी लोग आमीन नातो बेले चाजूरार।


ओर आम्म मापोरबून  
गुडीन बोसडाक किली  
आम्म देचेन नाचाकतार।



ईम इदीन बिचार चाजूर! गुलाय देचा  
नाचरान पाड ती ओकूर मांजा देचेन  
चेत्तूंग चाय्यरानो रेच्चा एरूमीन।



आदूगी ईसून  
आनकीक  
लागूरा ई।




ओकूर मांजा जाम्मा लोगीन पाड  
ती चाय्यरानो आय। आदूगी देरोम  
मुकीयालेर ईसून चुम्मू पोलोंग  
कानतीर। ओनीन चुम्मी किली  
रोमीकूलीन ओपीक चियरानो रेच्चा  
आय एट्टेर। ओरी आय लोगीन  
चाय्यरान डेन्ड चियू नाम्बीकतीर।  
आदूगी ओनीन रोमी लोगीन केय्य  
ती, कुरूस पारे ती कूटील कोट्टीक  
किली आनकीक इडरान उवाट  
चाजूरीर।


आत्तोड बेतनीया पोलूब ती लोग ओक तियार मानूरीर...




आ बास तो नेय्यीन पोकातो एरीकमो। आदीन कुबे पोयसेलूग बिडू एरूमीन।



ए मरीयम!




आदीन बिड़ी किली, पोयसेलीन गेरीब लोगूग चियू एरूमीन।



आदीन चाय काड। इद आनीन माटी चियू तायार चाजूरानूग, ई बास तो नेय्यीन बाचाक मेन्डू।

मापोरबू आड़जूरान तियार एदी मेन्डू। कुबे जोप तो लोग एरूसेलेमूग पाव ताकूरीर। ओर गुडी ती चेनी किली जेतारा चाजू बोदनेल उयरीर...




ईसू, लोग तानीन आनकीक कान्डूकूमेर एन्डानोन पुत्री किली बेले एरूसेलेम ती चेन्डेड....



जोप तो लोग ओन  
चेतूग उदीम एर्रीर...


ओसना!

ओसना!





यावे मापोरबून  
पिदीर पात्ती किली  
वेरनिड  
आसतीरतेड आय।

ओड  
इसराएलीन  
आंगरूरान  
कोस आय।




ए एरूसेलेम! ईन, ओ ईनी  
बले इयची चिरीक इनीन चुक  
एरीकतान पाटेलीन पुत्री  
मेनोड रेच्चा एरूमीन। एरोड  
ईन आदीन मेन्न चाजाता।




आम ओनीन  
तेबाक मुरले नाती  
चाजू ओडाम।

गुलाय मोंजीपूर  
तो लोग ओन  
पोटतेल चैनमेर।

एरूसेलेम ती मेन्डान मापोरबून  
गुडी आय एऊदीकूलूग जाम्मेन ले  
मुकीयाट इसाब तो मेन्डू....



मापोरबू आइजूरान तियार  
चिरीक, आ तियार इसाब तो  
मेन्डा पापकूलीन कुड्डीकतार...




आपला पाप देरोमूल माप एरकोव  
एनी लोग आवीन मापोरबूब गुडी  
ती जेतरा चाजूरीर।



एरोड, आरो बेले मेन्डा पाप,  
लोगीन पाप देरोमीन तीग, केचूरीन  
तीग आरू नियाव एरान तीग  
चोड़ाक नाम्बीकता आदूग?








मापोरबून गुडीत कोरी ती  
वीडरानेर आरू पोयसेल  
बादलाकतानेर नातेक  
दान्दा चाजी मेन्डीर।




उद्दापड़े ईसू आना  
चेनी निलतेड।







मापोरबून गुडी बिन्ती जोड़रान पाड मेन्डानो आय। एरोड ईम आदीन डाकूकूलीन गाडार बोत्ता चाजोर नार।



ओड लोगीन बुलकाकूमेड;  
एरोड लोग ओन ओक  
ओक पाटेन बेले मानूमेर।




आम ओनीन  
गात चुम्मी  
आनकीक




एटे ती बेले ओनीन  
चुम्मीकतानो आय; तेबे आमूंग  
ओनीन आनकीक एर्रा।

एरोड तियार वादेक आटनी  
चाजामा। तियार वादेक  
चाजोड एरू नाम्बीकता लोग  
आबूज एर्रा बेले।



ओनीन चुम्मीक  
चियोड, आनूंग एंगोट  
चियरार आले?


ओड एरूदा आय।  
ईसून चेलालेर कान  
तीग ओकूर आय।




आन इसून  
इमूंग चुम्मीक  
चियरीन।




आम इनूंग तिस गोटा चान्दीत  
पोयसेल चियराम। आही ओक  
रोजेत कामीया मंजेन मोल्ला आय।




मापोरबू आइजूरान तियार एदूरान  
ले मुन्नी, ईसू गुडी ती लोगीन  
मेरचीकतीड। एरुसेलेम नाचरा  
आरू लोग आना तीग पेची किली  
तूलू लागूरा एनी ओड मुन्नी की  
पोक्की मेन्डीड। आनातले मारी  
ओड पतरसीन आरू एऊनेन  
मापोरबू आइजूरान तियार तिनूंग  
जुगाड चाजू पोकरीड।



आन्डेक ईसू तान्न चेलालेर चेंगे  
गेडे ती तियार तिनूंग उलजेड।







आन आबोड एरान ले मुन्नी, ई तियारीन इम चेंग तिनूंग आन पाव चुड़ चुड़ी मेन्डीन




ई मोजीपूर ती पात्र चलाकतानेर आवूर लोग तामूंग सेवा चाजू कानतार। एरोड इम नाइबूल आटे एरा मेनको।




आवूर लोगीन सेवा चाजूरानेडी जाम्मेग ले मुकीयाल एर्राड।




आन इम नाइबूल ओक कामीयेन आकाट मेन्डान।






ए पोरबू ईन आन्न केलूलीन नोड्डीकतात आदूग? एमे! आटे एत्तोडी एरा।

ए पतरस आन इनीन नोड्डीकोड, ईन आन्नेड एराता।



ए पोरबू, आटे आय एरोड आन्न तेल्लीन आरू केय्यूलीन बेले नोड्डीक।

एड नीर मिञ्जेड नाड ओनीन केलूलीन चाई नातीनी नोड्डी लागाया।




ईम आनीन पोरबू एनमोर जे? आद रेच्चा आय। आन इम केलूलीन नोटेन गो, आटनी ईम बेले ओकूर ओकूरीन सेवा चाजूरानो आय।



इम कान तीग ओकूर आनीन चुम्मीक चियराड।


आटे मुरले एराया।

एटे आन आय?




ए एऊदा, ईन नातो चाजू कान्डूकूमोत, आदीन तुरतेनी चाज।






आनीन चुरता  
चाजू इदीन  
चाजारि मेनूर।




ई रोटीन तिनूर।  
इद इम चेतूग  
ओपीक चियरान  
आन्न मेन आय।




ई आंगूर रेसीन उनूर, इद इम  
चेतूग आन चिडाकतान पुन  
जुमान इसाब तो आन  
इडकीकतान आन्न नेतीर आय



आन इमूंग ओक पुन इसाब तो  
नोयोमीन चियूमेन। आन इमीन  
चोग चाजूरान आकाट ईम  
ओकूरीन ओकूर चोग चाजूर।




ईम ओकूरीन ओकूर चोग  
चाजूरानूग, ईम आन्न चेलालेर  
आय एनी जाम्मा लोग पुनदार।



पोरबू, ईन आरे चेनोड बेले, आन  
इन पोटतेल वेरान। आन्न जियोमीन  
बेले इन चेतूग चियरान।

ए पतरस, कोर्र कूयाका  
मेनेक ईन आनीन पूनात  
एनी मुप्पोट दोदूरात।

आ चिरीक आन्डेक, ईसू आरू ओन चेलालेर  
गेड़े तीग पतेर। एऊदा ओर चेंगे चिला मेन्डीड।




आन इमीन चाई किली चेन्डान; एरोड  
आम्म बुवा आपला नाती केचूर चिला  
जियोमीन चोडताड। ओड इम चेंगे एत्तोड  
नांग मेन्नी किली इमीन चेंग चियराड।

आन आरे चैनमेन आनात  
पावीन ईम पुट्टोर।



आनी पाव आरू चेत आरू  
जियोम आय मेन्डान।  
आनीन चाई, आवूर आरो ई  
पावोडी बेले, एडी आम्म  
बुवेनेल चेंग ओडार।




ईम इना मेनूर। आन  
आतूर आतूर चेनी  
किली बिन्ती जोडरान।




ए आम्म बुवा, इन मेन्न मेन्डा एरोड  
ई आबोडीन आन्न तीग गुचाक।




एरोडी बेले  
आन्न मेन्न  
एरा, इन मेन्न  
एरको।





एब्बे एटे तीग ईम तुञ्जू नाम्बीकतार आले? चुलपूर। इद चुडूर, आनीन चुमीक चियरानेड वरमेड।



आन चोन्ड मोटरानेडीन ईम चुम्मूर।




ए पोरबू!

ए एऊदा, ईन आनीन, मसीयालीन चोन्ड मोटी किली चुम्मीक चियूमोत आदूग?



ए पोरबू आम लेडूराम काय एटे?



एमे!



ईसू आपलेन ओर केय्य ती ओपीक चियरानूग, ओन चेलालेर ओन कान तीग तूलेर।

ईसून मुकीयाल पेलाचीन कान उज्वेर। ओड आय एऊदीकूलीन जाम्मेग ले मुकीयाल आय। पतरस आरू एऊना कोमाड तीग ईसूम पोटतेल चेन्डेर।



पतरस मुकीयाल पेलाचीन कोरी ती कुसनाय तान्न काट्टेड...



ईन बेले ओन चेंगे मेन्डूत चिला?



एरा, आन एरान, आन आ मांजेन पुनान बेले।

ईन बेले ओर कान तीग ओकूर आय चिला?







एरा गो एरा।


चेत्तेगी ईन ओन चेंगे मेन्डूत। ईन गलीलतोत आय चिला?




एरा, ईम एड बीतेर ती पोक्कूमोर आले आन पूनान।



आनातले ओर, ईसून रोमीकूलीन राजपाल  
पिलातूसूनेल उञ्जेर। एऊदीकूलीन मुकीयालेर,  
जोप तो लोगीन उच उचाकतानूग, जोप तो लोग  
कोलार एरी किली बोदी चियू मुरीयाकतेर...



ओर इनीन बोदी चियूमेर;  
ईन नान एनमोत आले?  
नाती पोकाता आदूग?




ईन नातो  
केचूर चाजोत  
नात?

आन चेत्तीन  
पोक्कु वेञ्जेन  
नान।







चेत्त नाताय गो?







ओन कान आन नाती केचूरीन बेटेना।  
एबे मापोरबू आड़जूरान तियार आय।  
आदीन इसाब ती आन एरीन इमूंग  
चोडाकतान? बरब्बेन काय  
एऊदीकूलीन कोस ईसून?











कुरूस पारे ती ओन तेल्ल पोडी मून्डू  
पाटेल ती ईसू, एऊदीकूलीन कोस आय  
एन्डान केचूर तो लीकेन ऊटीकतेर....



नोयकूडीन  
मिडीकतान केम्बूरीन  
ईसू उनेना एट्टेड...



पालटेनकूल चिटील  
तीन्डची किली ईसून  
गान्डेन पाईतेर...



ओ! ओड आवूर लोगीन  
बाचाकतेड चिला?




ईन मापोरबून चिन्ड  
आय एरोड कुरूस  
पारे तीग किडी इडी  
किली वेर।

इनीन ईनी  
बाचाक आरू  
आमीन बेले  
बचाक।

मापोरबूग किन्डीक बेले गो इजीत  
तो मान चियू। आम चाजूरान काम  
तो पालटा आम बेटूमोम, एरोड ई  
मांजा नाती कियाल चाजाडी।



ईन कोसीन आकाट आंगरेक  
आनीन चुरता चाज।



ईन इने आन्न चेंगे  
मापोरबून पार ती मेन्डात  
एनी चेतेंगी पोक्कूमेन।

आड बेरा आत्ती गुलाय  
चिकोड कुटोतो आरू आटनी  
मून्डू गेन्टेल आरें मेन्डू...



ईसून ईय्या मरीयम आरू  
ओन चेलाल एऊना चुड  
चुडी मेन्डीर....

एबे ईम ईय्या आरू  
चिन्ड आकाट एरार।



ए आम्म बुवा! ए आम्म  
बुवा ईन नांग आय  
आनीन चायोत नात?



आनूंग नीर  
आन्डूमो।



ए बुवा, आन आन्न जियोमीन इन  
केय्य ती ओपीक चियरान।



पूरा एञ्जो।



ईसू आड बेरा आत्ती चाय्य  
चेन्डेड। ओकूर पालटेन वेरी  
किली ईसून बालेनोड ओन  
कापचीपे ती उच्येड आरू आना  
तीग तुरते नेतीर आरू नीर पेतो।



मापोरबून कागेत ती, “ओड कातू  
उयरान मेन्डा पापीन आकाट  
मेन्डीड” एनी लिका मेन्डा।



ओड आम्म केचूरीन चेतूग  
आबोड एञ्जेड आरू आम्म  
पाप देरोमीन चेतूग चाञ्जेड।




वेरनिड एनी पोक्की  
मेन्डान मसीयाल ओड  
आय काय एटे?



चाम, आम ओनीन माटी  
चियू एरा काय एटे एनी  
जाच आडाम।




अरमीती गेडेत यूसूप आरू निकूदेमूस एन्डानेर  
इरूल, ईसून मोडीन कुरूस पारेन तीग इडकीक  
किली ओन मोडी ती बुरियाकतान केम्बूर, दूप  
मिसाक मेन्डान बानीलीन नातेक ताप्पी किली  
मोडीन मोल्लेत पोटी गान्डेल ती गुडीयाकतेर  
आरू गाडार बोत्तेत मोट ती इट्टेर...



मापोरबू आड़जूरान तियार इसाब तो बिसाकतान चिरीक पोल्लान पिटतेल, ओदो आयचील मोटतेल चेन्डोव....




ईम जियोम मेन्डानेडीन चाय्यरान लोगीन कान नांग कान्डूकमोर? ओड इना चिल्लाड; जियोम पाड्डी चुलतेड नाड। चेनूर, ओन चेलालेरीन पोक चियूर।




मोट कोलकी ती मूयी मेन्डान बेड़तो केल्ल ओड़पीकतानो मेन्डू।





इदीन वेनूंग के, पतरस आरू एऊना मोटतेल तूल तूली चेन्डेर....



एटे एञ्जो?

मोट मेला मेन्डा।





आयची चिरिक चेलालेर कान तीग इरूल  
इमाऊस एन्डान पोलूब ती चेन्डान पाव  
ती, पाव ताकूरानेड ओकूरीन बेटगाट एरी  
किली ओनोड ऊबा ऊबी एर्रीर...

एटे ईम मापोरबून कान तीग तो काबेर एन्देरान गुरूकूलीन  
पात्तीयाकपारा आदूग? मसीयाल डेन्ड एरी किली, तानूंग इजीत तो  
मान टोन्डूरान पाड ती तानरानो आय एनी पुना मेन्डूर आदूग?  
मापोरबून कागेत ती ई जाम्मा पाटेलीन लिकूरनो मेन्डाव।

ओर आपला चेगा मांजेन चेंगे तिनूंग  
उन्डी मेनेक, रोटीलीन पायपेक आ  
चेगा मांजा, उदपपडे माय चेन्डेड...

एरोड आ चेगा  
मांजा ईसू ई  
मेन्डीड।

आदूग ओर तुरते मेल्ली किली एरूसेलेम  
ती आवूर चेलालेर लेग्गे वेञ्जेर...

आम पोरबून  
चुडोम।

मरीयम आवूर पतरस  
बले गो ईसून चुडेर।



उदापडे....

इमूंग चुक  
टोन्डोको।


आन आय एनी एटे ती  
बिसवात चाजोरा आदूग?  
आन्न केय्यूलीन आरू  
केलूलीन गो चुडूर।

ए पोरबू, आन्न  
मापोरबू।


ईसू तान कुरूस पारे ती आबोड  
 एरान पिटतेल, चालीस दिनेल  
 आत्ती, तान जियोम मेन्डान एनी  
 चेत्तीन टोटीक, कुबे गुबोडूल  
 आपला चेलालेरूग देका पाट्टेड।  
 आनातले मारी ओड पाँच सोव ले  
 आगेर लोगूग ओकती चेंगे देका  
 पाट्टेड। ओर चेलालेर गलील पेरगेन  
 ती मेल्ली चेन्डेर। ओकेच ओर  
 मिनूल चुम्मी मेनेक...



पतरस, ईन आनीन चेतेंगी  
चोग चाजूमोत काय एटे?




ईसू ईटे मप्पोट  
पतरसीन जाच  
आडेड....



ओ पोरबू, आन चोग ती  
मेन्डान एनी ईन गो पुट्टोत।




मेन्डा पापकूल आकाट मेन्डान  
आन्न लोगीन चाकलू।



आन्न पोटतेल  
वेर।

सरग आरू मोंजीपूर तो जाम्मा पात्र आनूंग  
चियरानो मेन्डा। आदूग चेंनूर, आरू जाम्मा  
देचेल देचेल तो लोगीन आन्न चेलालेर  
एरीकपूर आरू बुवा, चिन्ड आरू नाती  
केचूर चिला जियोमीन पिदीर ती बपतीसमा  
चियूर। आरू आन इमीन तियारची मेन्डान  
जाम्मा पाटेलीन ओरीन मानू मेरचीकपूर।

आरू चुडूर मोंजीपूर मुरजारे रोजे  
तीग आन इम चेंगेनी मेन्डान।



इदीन पोकुरान पिटतेल ईसू  
पोडी सरग ती एतीक  
एञ्जेड। एरोड ओड तान  
मारी वेरान एनी पोक्की किली  
चेन्डेड नाड....


ईसून चेलालेर मारी एरूसेलेम ती मेनेक, पोचास दिनेल एरान पिटतेल, पिन्तेकूसीन दिने ती, मापोरबून नाती केचूर चिला जियोम तीग कोप्पीक एञ्जेर। ईसून कान मेन्डान आयची जियोम एपोर ओर कान बेले मेन्डीड। आरू एपोर ईसून बिसवात चाजूरान जाम्मा लोगीन कान बेले ओड मेन्डाड। ओड आटनी आमम चेंगे मेन्नी किली, आम आवूर लोगीन ईसून बीतेर ती पोक चियू आमूंग चेंग चियूमेड।

वेनूर गो वेनूर! चाय्यकूड ईसून आपला काबजे ती इड्डू ओडा मेन्डू। मापोरबू ओनीन जियोम पाटतीक किली ओनीन जाम्मा लोगीन पोरबू एनी नितीकतेड आरू ओनूग इजीत तो मान चिञ्जेड। आ इजीत तो मान ती आमूंग बेले बाटा मेन्डा।



ईसून चेलालेरूग कुबे सताव वेञ्जो; एरोड बेले, ओर गुलाय मोंजीपूर ती चेन्डेर...

ईसू मापोरबून चिन्ड आय। आम बेले मापोरबून पापकूल एरू नाम्बीकताम।




ईसून बितेर तो ई एडो पाटा, चिट्टील ती बेले लिकी एरी लोगूग वेनपीक एञ्जो....

ईसून एडो पाटा नातो पोक्कूमो एनोड, ईम ईसून मापोरबून चिन्ड आय एनी बिसवात चाजोड, मापोरबू इमीन देरमी एरीकताड आरू बाचाकताड। इमीन जाम्मा डेन्डूल तीग बाचाक मापोरबू लावतेड आय।



एबे कुबे लोग गुलाय मोंजीपूर ती उलजी किली मापोरबून चाराकमेर, मोडकूमेर आरू बिन्ती जोडूमेर आरू बाईबलीन पोडूमेर। मापोरबून माया पेमीन चेतूंग ओर जाम्माई पियूमेर। ओन देयेन बेटी किली, ओर ओकूरीन ओकूर चोग चाजूमेर आरू चेंग चियूमेर। ओर आपला विरूदी लोगीन बेले चोग चाजूमेर। ओर उलजी किली ईसू मापोरबू ओरीन तियारची मेन्डान आकाट, तामीन मापोरबू बाचाकतानोन चुरता चाजू पोरबू बोजी तिनमेर आरू उनमेर। नाती केचूर चिला जियोमीन चेंग तीग ओकती चोर ती मेनमेर.....

ईसू ओरूग ओकती चोर ती  
मेनूंग ताकोत चिञ्जेड...



आटनीत पेम ती मेन्डान जियोमीन  
आमूंग चियरानूग ओनूग जुवार  
पोक्कूर आरू ओनीन मोडकूर।



मापोरबू आपला चिन्ड ईसू मसीयालीन  
आमीन नियाव चिड़ाक एरा, एरोड  
आमीन बाचाक ई मोंजीपूर ती चोडतेड  
नाड। मापोरबू आमीन कुबे चोग  
चाजूरानूग आपला ओकूरी चिन्डीन  
चिञ्जेड नाड। ओनीन बिसवात चाजोड  
आम एत्तोडी नाच चेनामा, एरोड एत्तोड  
नांग जुग जुगूग पियराम।

WILLEM DE VINK


## बाईबल

ईसून काटावीन बाईबल ती लिंकूरानो मेन्डा। बाईबलीन आकाट आरो कागेतीन बेले कुबे लोग पोडारा। बाईबल ती 66 कागेतूल मेन्डाव। इदीन लिंकू 1500 आकाट बेरचीकारूल लागोतो। 1900 बेरचीकारूल आकाट मुन्नी इदीन लिंकी पोलेर नार। मापोरबू लोगीनोड बेटगाट एरी किली ओर चेंगे एटे एटे चाजूरीड एन्डान बीतेर तो कुबे काटावूल आरू डागेल इना मेन्डाव। ईसून काटाव तीग मापोरबू एड आय एनी पुनूंग एर्।

## ईसून काटाव

ईसून काटावीन 4 कागेतूल ती पोडू एर्। ई कागेतूलीन पिदीरूल आदीन लिंकूरानेरीन पिदीर ती पाता चेला। ओर ईसून वादेक मेन्डान लोग आय

1. **मत्ती:** ओड ईसून चेलालेर कान तीग ओकूर आय। ओड रोमी सरकारूग पोटी पातरानेड मेन्डीड। इसराएल देचेत एऊदीकूलीनोड ईसू एटे मेन्डीड एन्डानोन इना पोडू एर्।
2. **मरकूस:** ईसू ई मोंजीपूर ती मेनेक मरकूस चेपाल मेन्डीड। ओड ईसू चाजूरान पोरलेत आचरूत तो कामूलीन बीतेर ती लिंकूमेड।
3. **लूकाल:** ओड ओक डाकटेर मेन्डीड। ओड ईसून बेटगाट एराका मेन्डीड। ईसू लोगीनोड एटे एटे मेन्डीड एनी लिंकूमेड।



4. **एऊना:** ओड ईसून चेलालेर कान तीग ओकूर मेन्डीड। ईसू एड आय एनी ओड पोक चियूमेड। मांजा एरी वेरान मापोरबून चिन्ड ईसू आय; ओड कुदे मापोरबू बेले आय। ओड लोगीन बाचाक वेरानेड आय एनी लिंकेड नाड।

## ईसू जेनोम एरानो

ईसून ईय्या मरीयम आय। मरीयम वाटा मेनेक,  
यूसूप एन्डानेडूग आडी मेनेक, ईसूग मेन ती  
तेबोतो। ओड जेनोम एररि आद कुम्बारी ई मेन्डू।  
मापोरबू नीतीक मेन्डान आकाट ओड जेनोम  
एञ्जेड। ओन पिदीर ईसू आय। ईसू जेनोम  
एराका मेनेक, मुन्नीत ले ई, ओड जेनोम एर्राड  
एनी मापोरबून कागेत ती लिका मेन्डू। बेडतो  
मुकीयालीन आकाट ईसू जेनोम एराडी। एरोड  
पाड चिला कान्डूग, ओड ओक चाकरूतोल तो  
ओडे ती जेनोम एञ्जेड।

## ईसू चाजूरान आचरूत तो कामूल

ईसू कुबे आचरूत एरीकतान कामूलीन  
चाजेड। 40 ले आगेर तो लोगीन  
उजराकतानोन पोडू एर्रा। ईटो आचरूत तो  
कामूल चाजी किली ईसू लोगूग मापोरबून  
ताकोतीन, पेमीन आरू ओड एटे लोगीन  
ऊदीम एरीकताड एन्डानोन टोटीकतेड।



## ईसू चाय्यरानो आरू जियोम पाड्डी चुलतानो



ईसू नांग आय चाञ्जेड? इदीन बीतेर ती बाईबल ती लिक्करानो मेन्डा।

जाम्मा लोग कियाल चाजारे मेनमेर। मापोरबूग मेन्न ती वेरा कामूलीन चाजी किली ओनीन रिच एरीकमेर। आटनीत कामूलीन पाप देरोम एन्डार। पाप देरोमीन चेतूग लोग मापोरबूनोड मिलेन ती मेनूंग ओडार।

आदूगी ईसू ई मोंजीपूर ती वेञ्जेड। ओड तानी कुदे आम्म पाप देरोमूलीन डेन्डीन तान्न पोडे चाजेड। पाप देरोमीन डेन्ड चाय्यकूड आय। ईसू आम्म पाड ती चाय्यरानूग आम्म पाप देरोम माप एञ्जो आरू आम मापोरबूनोड मिलेन ती मेनूंग एर्। एरोड आम आम्म पाप देरोमूग पाचताक किली आवीन ओन मुन्देल मानू लागूरा।

मापोरबू, ईसून चाय्यरान कान तीग जियोम पाडतीक किली तान जाम्मेग ले लावतेड आय आरू ताकोत्तेड आय एनी टोटीकतेड।

ईसू एपोर मापोरबून चेंगे मेन्डाड। ओड जियोम मेन्डानूग ओड एत्तोड नांग आम्म चेंगे मेन्डाड। आम मापोरबूग मेन्न ती वेरानोन चाजी किली ओनीन वेडका एरीकतानो आय एनी ओनूग मेन्न मेन्डा।

### बिन्ती जोडरानो

ईम, इम पाप देरोमूग पाचताकपोड, इमूंग मापोरबूनोड मिलेन ती मेनूंग मेन्न मेन्डा एरोड ईम ईटे बिन्ती जोडू एर्।

ए मापोरबू ईन आनीन चोग चाजूमोत।

ईन आमूंग इन ओकूरी चिन्ड ईसून चिञ्जोत नात

ओड आन चाजूरान जाम्मा पाप देरोमूग चाञ्जेड नाड।

अन्न पाप देरोमूलीन आनूंग माप चाजू। आन पाचताकूमेन।

ईन आन्न चेंगे मेन्डानूग आन जुवार चाजूमेन।

एत्तोड नांग आन इन लेगे नी मेनूंग मेन्न चाजूमेन।

इनूंग मेन्न ती वेरान आकाट आन चेलू ईन आनूंग चेंग चियू।

ईन आन्न चेंगे नी मेन।

अन्न बिन्तीन ईन वेनदानूग आन इनीन जुवार पोक्कूमेन।

ईन पाटा चियरानोन ईन आनूंग चाज चियू।

## ईन आरू ईसू

ईसू जाम्माई लोग तान्नेल वेरू मेन्न चाजूमेड। ओड कुबे लोगीन चेंगा एञ्जेड नाड। एपोर मोंजीपूर निक्को बादलोतो ना। कुबे लोग गेदेय चिलाड गुरोँल चोत्ती चेनूंग लागाया। एरोड ओर गाडी ती चिलाड कार चिलाड जाज ती चोत्ती चेनमेर। ईसून नेंजेर ती इद आदरा बेड़तोत एरा। ओड एटे इसराएल देचे ती पियेक मेन्डीड आटनी एबे आम्म लेग्गेनी आरू चेंगेनी मेनूंग नाम्बीकताड। एरू नाम्बीकता आम ओनीन चुडू एराया। एरोड ओड जियोम मेन्डानो चेत पाटा आय। ओड इन चेंगा एरू कान्डूकमेड। ईन ओनीन वेनूंग एर्रा आरू ओनीन चोग चाजू एर्रा।

ईसून बीतेर ती मारी आवूर पुनूंग मेन्न मेन्डा काय एटे? मेन्न मेन्डा एरोड ईम इदीन चाजू नाम्बीकतार।

### 1. ईम बाइबलीन पोडूर

लूकाल लिकूरान एडो पाटेत कागेतीन पोडूरान तीग मुरीयाक एर्रा।

### 2. बिन्ती जोडूर

मापोरबूनोड ऊबूर आरू ओनीन वेनूर। आमान लोगोड ऊबूरान आकाट ओनोड ऊबू एर्रा।

3. आवूर लोगीन बाईबल आरू ईसून बीतेर तो पाटेलीन पोक चियूर। ईसू आपला चेलालेर जाम्मा ओकती चोर ती मेन्नी चेंगे उलजी किली ओकूर ओकूरीन उचांग चियरानो आय आरू तान्न बीतेर तो पाटेलीन मेरीयूरानो आय एनी मेन्न चाजूमेड।

पाटेन आरू चापेन लिकूरानेड: विल्लेम डे विक.

कापी राईट: © 1993 स्टिच्चींग. वेरेलडताल, कोवटेन, नेतेरलेन्ड देचा

डच पाटे ती “ईजूस मेसीयास” एनी चापरानो मेन्डा.

(बारेत तो) दुरवा/परजी पाटेत चापरानो © 2022

डिजिटेल कापी राईट: किरीयेटीव काम्मोनस बिवोय-एस ये लाईसेन्सीन काबजे तो आय। जाम्मा आनूवाद चाजूरानो, मारी चापू इडरानो आरू आपलेन इसाब ती बादलूरानो जाम्मा देचेलूग नीतीक मेन्डा।

ई-मेयील : karenapuc@gmail.com

<https://www.jesumessiahcomicmedia.com/india>

ईसू मसीयाल इद ईसू मसीयालीन चेत काटाव आय। ओड 2000 पोकाल मुन्नी  
पियरीड। ओनीन बेटगाट एरनेर जाम्मा काबा एरीर। ओड ऊबूरान आकाट एडी ऊबा  
मेन्डीर। ओड चाजूरान आकाट एडी पोरलेत आचरूत एरीकतान कामूलीन चाजाका  
मेन्डीड। तान मेरचीकतानोन वेन्दानेरूग वेडका टोन्डोतो। उदापडे आव जाम्मा  
पोलोव। ओन विरूदी लोग ओनीन कुरूस पारे ती कोट्टी किली आनकीकतेर। एरोड  
आ पाटा चेरा चेरी तो एरा। एटे एनी पुनूंग ई कागेतीन पोडूर आरू ईसू मसीयालीन  
काटाव एट्टोत आय एनी पुनूंग एर्रा।



पाटा: धुरवा/परजी पाटा (इन्दीया)

Language: Dhurwa (India)

ISBN: 978-94-93178-76-2